



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

პროგრამის შინაარსი

პროგრამის სახელწოდება (ქართულად და ინგლისურად)	ახალი და უახლესი ისტორია Modern and Contemporary History
მისანიჭებელი კვალიფიკაცია (ქართულად და ინგლისურად)	სამაგისტრო პროგრამის პირველი ნაწილი: 60 ECTS კრედიტი ისტორიის მაგისტრი / Master of History სამაგისტრო პროგრამის მეორე ნაწილი: 60 ECTS კრედიტი კვლევის მაგისტრი ისტორიაში / Master of Research in History
პროგრამის მოცულობა კრედიტებით და მათი განაწილება	თსუ ჰუმანიტარულ მეცნიერებათა ფაკულტეტის ახალი და უახლესი ისტორიის სამაგისტრო პროგრამის პირველი ნაწილის 60 ECTS კრედიტი ნაწილდება შემდეგნაირად: 1) სავალდებულო სასწავლო კურსები: • 15 ECTS კრედიტი ყველა სტუდენტისათვის სავალდებულო სასწავლო კურსებისთვის; • 20-30 ECTS კრედიტი სამაგისტრო პროგრამაში შემავალი მოდულების სავალდებულო კურსებისათვის (I მოდულისთვის სავალდებულო საგნების მოცულობა შეადგენს 30 ECTS კრედიტს, II და III მოდულებისათვის – 20 ECTS კრედიტს, IV მოდულისთვის – 25 ECTS კრედიტს); 2) არჩევითი სასწავლო კურსები: 15-25 ECTS კრედიტი არჩევითი კურსებისთვის (I მოდულისთვის – 15 ECTS კრედიტი, II და III მოდულებისათვის – 25 ECTS კრედიტი, IV მოდულისთვის – 20 ECTS კრედიტი) თსუ ჰუმანიტარულ მეცნიერებათა ფაკულტეტის ახალი და უახლესი ისტორიის სამაგისტრო პროგრამის მეორე ნაწილის 60 ECTS კრედიტი ნაწილდება შემდეგნაირად: ა) სასწავლო კომპონენტი – 30 ECTS კრედიტი. აქედან 15 ECTS კრედიტი ეთმობა პროგრამის ყველა სტუდენტისათვის სავალდებულო სასწავლო კურსებს. 5-10 ECTS კრედიტი განკუთვნილია სამაგისტრო პროგრამაში შემავალი მოდულების სავალდებულო კურსებისათვის (I, II და III მოდულებისთვის სავალდებულო საგნების მოცულობა შეადგენს 10 ECTS კრედიტს, ხოლო IV მოდულისათვის – 5 ECTS კრედიტს). 5-10 ECTS კრედიტი ეთმობა არჩევით სასწავლო კურსებს (I, II და III მოდულებისთვის არჩევითი საგნების მოცულობა შეადგენს 5 ECTS კრედიტს, ხოლო IV მოდულისთვის – 10 ECTS კრედიტს). არჩევითი საგნის სახით სტუდენტს აქვს უფლება აირჩიოს პროგრამის ნებისმიერი საგანი, მათ შორის, სხვა მოდულის სავალდებულო კურსი. ბ) კვლევითი კომპონენტი – სამაგისტრო ნაშრომი – 30 ECTS კრედიტი. კვლევის მაგისტრის აკადემიური ხარისხის მინიჭების წინაპირობაა სტუდენტის მიერ 60 ECTS კრედიტის დაგროვება და პროგრამის სასწავლო და სამეცნიერო



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	კომპონენტის (30+30 ECTS კრედიტის) შესრულება.
სწავლების ენა	ქართული ენა
პროგრამის ხელმძღვანელი/ხელმძღვანელები/კოორდინატორი	პროფ. თეიმურაზ პაპასკირი
პროგრამაზე დაშვების წინაპირობა	თსუ ჰუმანიტარულ მეცნიერებათა ფაკულტეტის ახალი და უახლესი ისტორიის სამაგისტრო პროგრამის პირველ ნაწილზე დაშვების წინაპირობებია: • ბაკალავრის აკადემიური ხარისხი; • საერთო სამაგისტრო გამოცდის ჩაბარება; • გამოცდის ჩაბარება სპეციალობაში; • უცხოური ენის (ინგლისური/ გერმანული/ ფრანგული) B1 დონეზე ცოდნის დადასტურება გამოცდით ან საერთაშორისო აღიარების მქონე სერთიფიკატით (სამაგისტრო პროგრამის დამთავრებამდე B2 დონემდე ენის ცოდნის გაუმჯობესების პერსპექტივით). ახალი და უახლესი ისტორიის სამაგისტრო პროგრამის მეორე ნაწილზე (60 ECTS კრედიტი) სწავლის გაგრძელების უფლება აქვს პროგრამის პირველი ნაწილის კურსდამთავრებულ ისტორიის მაგისტრის აკადემიური ხარისხის მქონე პირს. მაგისტრატურის საგანმანათლებლო პროგრამის მეორე ნაწილზე სწავლის გაგრძელების დამატებითი პირობები განისაზღვრება უმაღლესი საგანმანათლებლო დაწესებულების შესაბამისი ძირითადი საგანმანათლებლო ერთეულის დებულებით, საქართველოს კანონმდებლობის მოთხოვნების შესაბამისად.
საგანმანათლებლო პროგრამის მიზანი	ახალი და უახლესი ისტორია არის მსოფლიო ისტორიის ერთ-ერთი ყველაზე საინტერესო მონაკვეთი, რომლისადმი ინტერესი მთელ მსოფლიოში ყოველთვის უდიდესი იყო და დღესაც ყველაზე მეტად შესწავლადი დარგია. თბილისის სახელმწიფო უნივერსიტეტში ამ დარგს დაფუძნების პერიოდიდანვე ექცეოდა დიდი ყურადღება, რაც გამოიხატა კიდევ XX საუკუნის 30-იანი წლების შუახანებში ახალი და უახლესი ისტორიის კათედრის ჩამოყალიბებაში. ქართველი მეცნიერები ყოველთვის ცდილობდნენ, არ ჩამორჩენოდნენ მსოფლიო ისტორიულ აზროვნებას, და, რასაკვირველია, დღეს, როდესაც საქართველო ესწრაფვის ევროატლანტიკურ სტრუქტურებში ინტეგრაციას, მას ნამდვილად სჭირდება ახალი და უახლესი ისტორიის სპეციალისტები. ივანე ჯავახიშვილის სახელობის თბილისის სახელმწიფო უნივერსიტეტის სამაგისტრო საგანმანათლებლო პროგრამა ახალი და უახლესი ისტორია შეესაბამება უნივერსიტეტის მისიას და ითვალისწინებს მისიით გათვალისწინებული მიზნების განხორციელებას – საზოგადოების ინტელექტუალური, ზნეობრივი, კულტურული და სოციალურ-ეკონომიკური განვითარების ხელშეწყობას, ინოვაციურ კვლევებსა და სწავლებას, სტუდენტზე ორიენტირებულ სწავლებას და კონკურენტუნარიანი კადრების მომზადებას, საერთაშორისო თანამშრომლობის განვითარებას. ახალი და უახლესი ისტორიის სამაგისტრო პროგრამა იყოფა ოთხ მოდულად: 1. ევროპისა და ამერიკის ქვეყნების ახალი და უახლესი ისტორია; 2. ახლო აღმოსავლეთის ისტორია (ახალი და უახლესი პერიოდი); 3. შორეული აღმოსავლეთის ისტორია (ახალი და უახლესი პერიოდი); 4. საერთაშორისო ურთიერთობების ისტორია ახალ და უახლეს პერიოდში. გარდა საერთო საგნებისა, თითოეულ



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<i>მოდულს გააჩნია თავისი სავალდებულო და არჩევითი საგნები.</i> სამაგისტრო პროგრამის პირველი ნაწილის მიზანს წარმოადგენს: • მაღალკვალიფიციური სპეციალისტების მომზადება ახალი და უახლესი ისტორიის დარგში. პროგრამა ორიენტირებულია: • მისცეს მაგისტრატურის მსმენლებს ღრმა და სისტემური ცოდნა ახალი და უახლესი ისტორიის საკვანძო საკითხებზე როგორც მთლიანობაში, ისე რეგიონების მიხედვით. ამას ემსახურება ის სალექციო კურსები და სტუდენტთა პრაქტიკული მუშაობა (როგორც უშუალოდ ლექტორთან, ისე დამოუკიდებლად), რომელიც გათვალისწინებულია წარმოდგენილი სამაგისტრო პროგრამით. • კურსდამთავრებულს ჰქონდეს სრული წარმოდგენა საერთაშორისო ურთიერთობების ისტორიის ძირითად ეტაპებზე ახალ და უახლეს პერიოდში, გლობალიზაციასა და მის თანამდევ სხვადასხვა ასპექტებზე და ა.შ. • ჰქონდეს კონკრეტული ცოდნა ევროპისა და ამერიკის ქვეყნების, ახლო აღმოსავლეთის, შორეული აღმოსავლეთის ახალი და უახლესი პერიოდის ისტორიაზე და საერთაშორისო ურთიერთობების საკვანძო ეტაპებზე XVI-XX საუკუნეებში. • პროფესიულ საქმიანობაში იცავდეს ეთიკურ ნორმებს; ისტორიული მოვლენების შეფასებისას და სენსიტიური თუ წინააღმდეგობრივი საკითხების განხილვისას ეყრდნობოდეს სამართლიანობის, ტოლერანტობის, პლურალიზმისა და ობიექტურობის პრინციპებს, აკადემიურ და ფართო საზოგადოებრივ წრეებში ახდენდეს ისტორიული ცოდნის პოპულარიზაციას. სამაგისტრო პროგრამის მეორე ნაწილის მიზანს წარმოადგენს: • მაღალკვალიფიციური სპეციალისტ-მკვლევრების მომზადება ახალი და უახლესი ისტორიის დარგში. • მისცეს მაგისტრატურის მსმენლებს ღრმა, სისტემური და კომპლექსური ცოდნა ახალი და უახლესი ისტორიის საკვანძო კვლევით საკითხებზე როგორც მთლიანობაში, ისე რეგიონების მიხედვით. ამას ემსახურება ის სალექციო კურსები და სტუდენტთა პრაქტიკული მუშაობა (როგორც უშუალოდ ლექტორთან, ისე დამოუკიდებლად), რომელიც გათვალისწინებულია წარმოდგენილი სამაგისტრო პროგრამით. • ჰქონდეს კურსდამთავრებულს სრული წარმოდგენა ახალი და უახლესი ისტორიის კვლევის სფეროში არსებულ ძირითად თეორიულ მიდგომებზე, აღმოსავლეთსა და დასავლეთს შორის არსებულ ურთიერთობებზე, ქრისტიანულ და ისლამურ სამყაროს შორის განსხვავებებსა და მსგავსებებზე და ა.შ. • ჰქონდეს კონკრეტული ცოდნა ევროპისა და ამერიკის ქვეყნების, ახლო აღმოსავლეთის, შორეული აღმოსავლეთის ახალი და უახლესი პერიოდის ისტორიაზე და საერთაშორისო ურთიერთობების საკვანძო ეტაპებზე XVI-XX საუკუნეებში. • პროფესიულ საქმიანობაში იცავდეს ეთიკურ ნორმებს; ისტორიული მოვლენების შეფასებისას და სენსიტიური თუ წინააღმდეგობრივი საკითხების განხილვისას ეყრდნობოდეს სამართლიანობის, ტოლერანტობის, პლურალიზმისა და ობიექტურობის პრინციპებს, აკადემიურ და ფართო საზოგადოებრივ წრეებში ახდენდეს ისტორიული
--	---



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	სამეცნიერო ცოდნის პოპულარიზაციას.
სწავლის შედეგები	ახალი და უახლესი ისტორიის სამაგისტრო პროგრამის სწავლის შედეგები შეესაბამება განათლების სამაგისტრო დონეს და მისანიჭებელ კვალიფიკაციას. სწავლის შედეგებში ასახულია ზოგადი (ტრანსფერული) და დარგობრივი კომპეტენციები, უმაღლესი განათლების კვალიფიკაციების ჩარჩოს სამაგისტრო საფეხურის აღმწერისა და ისტორიის დარგობრივი მახასიათებლის შესაბამისად. თსუ ჰუმანიტარულ მეცნიერებათა ფაკულტეტის ახალი და უახლესი ისტორიის სამაგისტრო პროგრამის ორივე ნაწილის მიზნების მისაღწევად გამოყენებული სასწავლო და კვლევითი კომპონენტები უზრუნველყოფენ შემდეგი შედეგების მიღწევას:
ა) ცოდნა და გაცნობიერება	პროგრამის პირველი ნაწილის კურსდამთავრებული ისტორიის მაგისტრი • ღრმად და სისტემურად მსჯელობს ისტორიულ ფაქტებსა და მოვლენებზე, სპეციალური სამეცნიერო ლიტერატურის კრიტიკული ათვისებისა და გააზრების საფუძველზე, ახდენს მათ ინტერპრეტაციასა და ანალიზს, სხვადასხვა პერსპექტივიდან ადარებს ერთმანეთს განვითარებულ მოვლენებს და გამოკვეთს მათ გავლენას თანამედროვეობაზე სხვადასხვა კონტექსტში; • განსაზღვრავს და აფიქსირებს ისტორიის არაერთგვაროვანი გადმოცემის მიდგომებს, ისტორიის ფალსიფიკაციისა და იდეოლოგიური გავლენის ფაქტებს. • აანალიზებს გლობალიზაციას, როგორც ისტორიულ მოვლენას და ხსნის მის თანმდევ პოლიტიკურ, ეკონომიკურ თუ სოციალური ასპექტებს, გამოწვევებსა და დადებით მხარეებს; შედარებითი ანალიზის საფუძველზე, მსოფლიოში მიმდინარე გლობალურ პროცესებში განსაზღვრავს საქართველოს ადგილსა და როლს; გარდა ამისა, მოდულების მიხედვით პროგრამის კურსდამთავრებულს გააჩნია შემდეგი კომპეტენციები: I მოდული – ევროპისა და ამერიკის ქვეყნების ახალი და უახლესი ისტორია: ღრმად და სისტემურად სისტემურად მიმოიხილავს საფრანგეთის, დიდი ბრიტანეთის, ესპანეთის, გერმანიის და იტალიის ისტორიის ცალკეულ მნიშვნელოვან ეტაპებს; განიხილავს და აანალიზებს სხვადასხვა ისტორიულ პერიოდში ამა თუ იმ სახელმწიფოს დაწინაურების მიზეზებსა და შედეგებს. II მოდული – ახლო აღმოსავლეთის ისტორია (ახალი და უახლესი პერიოდი): ღრმად და სისტემურად მსჯელობს ახლო აღმოსავლეთის რეგიონის ახალი და უახლესი ისტორიის ცალკეულ მნიშვნელოვან ეტაპებზე, განიხილავს და აანალიზებს ახლო აღმოსავლეთის ქვეყნების ახალი და უახლესი პერიოდის პოლიტიკური, ეკონომიკური, სოციალური და კულტურული ისტორიის საკვანძო პრობლემებს, ახასიათებს სამშვიდობო პროცესებს ახლო აღმოსავლეთში და განსაზღვრავს დასავლეთევროპული და ამერიკული დიპლომატიის როლს კონფლიქტების დარეგულირებაში; აანალიზებს პრინციპულ განსხვავებას ისლამს როგორც რელიგიურ სისტემასა და



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	ისლამიზმს, როგორც პოლიტიკურ იდეოლოგიას შორის, განსაზღვრავს ისლამის, როგორც პოლიტიკური ბრძოლის იარაღის როლს და განიხილავს თანამედროვე ისლამური სამყაროს პოლიტიკურ-საზოგადოებრივ ცხოვრებაში ისლამური ფაქტორის გაძლიერების მიზეზებსა და შედეგებს, აანალიზებს რადიკალური ისლამისტური ორგანიზაციების იდეოლოგიურ საფუძვლებს, სტრატეგიასა და ტაქტიკას მათი მოქმედების კონკრეტული რეგიონის სოციალ-ეკონომიკურ თავისებურებათა გათვალისწინებით, ფლობს და იყენებს პოლიტიკური ისლამისათვის დამახასიათებელ ცნებით კატეგორიებსა და ტერმინოლოგიას, აანალიზებს ქრისტიანული საქართველოს ისლამურ სამყაროსთან მრავალსაუკუნოვანი ურთიერთობის თავისებურებებს და კრიტიკულად განიხილავს ქართულ და აღმოსავლურ წყაროებს საქართველოსა და ისლამური სამყაროს ურთიერთობების შესწავლისას; III მოდული – შორეული აღმოსავლეთის ისტორია (ახალი და უახლესი პერიოდი): ღრმად და სისტემურად მსჯელობს ახალი და უახლეს პერიოდში შორეული აღმოსავლეთის რეგიონის ცალკეული მნიშვნელოვანი ეტაპებისა და სოციალური, ეკონომიკური თუ კულტურული ისტორიის საკვანძო მომენტებზე, აგნობიერებს და კრიტიკულად აფასებს რბილი ძალის დადებით და უარყოფით მხარეებს შორეული აღმოსავლეთის რეგიონში. ახდენს ბუდიზმის ძირითადი არსის, მისი დოგმების და მიმდინარეობების ინტერპრეტაციას და შედარებით ანალიზს; IV მოდული – საერთაშორისო ურთიერთობების ისტორია ახალ და უახლეს პერიოდში: ღრმად და სისტემურად მსჯელობს XIX-XX საუკუნეების დიპლომატიური ურთიერთობების ისტორიის საკვანძო საკითხებზე, ასევე კათოლიკური ეკლესიის მესვეურთა მიერ ახალ და უახლეს პერიოდში გატარებული პოლიტიკაზე; განიხილავს და აანალიზებს XIX საუკუნის ევროპული ურთიერთობების, აგრეთვე მსოფლიო ომებსშორისი პერიოდისა და „ცივი ომის“ ხანის ძირითად მოვლენებს.
ბ) უნარები	• საარქივო/საბიბლიოთეკო რესურსებისა და ელექტრონული სამეცნიერო ბაზების გამოყენებით მოიძიებს სხვადასხვა ისტორიულ წყაროებში მოცემულ ინფორმაციას, კრიტიკულად აფასებს, ახდენს მათ სისტემატიზაციას, განსაზღვრავს ამა თუ იმ მოვლენების განვითარების ძირითად ფაქტორებს, აანალიზებს მათ და აყალიბებს საკუთარ დასკვნებს; • ახორციელებს პროფესიულ პროექტებს შესაბამისი ისტორიული მეთოდებისა და დადგენილი აკადემიური სტანდარტების გამოყენებით; • წარმოადგენს საკუთარ დასკვნებს წერილობითი და ზეპირი ფორმით როგორც პროფესიული, ისე ფართო საზოგადოების წინაშე; • პროფესიული საქმიანობის დროს ახდენს მშობლიურ და უცხოურ ენებზე კომუნიკაციას საინფორმაციო ტექნოლოგიების გამოყენებით.
გ) პასუხისმგებლობა და ავტონომიურობა	• პატივს სცემს ცალკეულ ისტორიულ ეპოქაში სხვადასხვა ქვეყნებისა და ერების განსხვავებულ ღირებულებებს, იდეებს, შეხედულებებსა და კულტურას, როგორც მსოფლიო ფასეულობათა ნაწილს; იცავს ეთიკურ ნორმებს; ისტორიული მოვლენების შეფასებისას და სენსიტიური თუ წინააღმდეგობრივი



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	საკითხების განხილვისას ეყრდნობა სამართლიანობის, ტოლერანტობის, პლურალიზმისა და ობიექტურობის პრინციპებს; • გუნდური მუშაობის პრინციპების დაცვით, ახდენს ადაპტირებას მულტიდისციპლინურ სასწავლო თუ სამუშაო გარემოში; • სფეროსათვის აქტუალური ინფორმაციის სინთეზირებითა და აკადემიური ეთიკის ნორმების დაცვით, ახორციელებს პროფესიულ საქმიანობას.
ა) ცოდნა და გაცნობიერება	პროგრამის მეორე ნაწილის კურსდამთავრებული ისტორიის მაგისტრი • ღრმად და სისტემურად მსჯელობს ისტორიულ ფაქტებსა და მოვლენებზე, სპეციალური სამეცნიერო ლიტერატურის კრიტიკული ათვისებისა და გააზრების საფუძველზე ახდენს მათ ინტერპრეტაციასა და ანალიზს სამეცნიერო კვლევის სფეროს ტრადიციული მიდგომებისა და უახლეს მიღწევებზე დაყრდნობით; • სიღრმისეულად და კომპლექსურად მიმოიხილავს ისტორიულ მეთოდებს, გამოკვეთს, ტრადიციულ კვლევით მიდგომებსა და უახლეს სამეცნიერო მიღწევებზე დაყრდნობით, ისტორიული მეთოდების მნიშვნელობას ისტორიის შესწავლისას, ახასიათებს და კრიტიკულად აფასებს ისტორიის დარგში არსებული სამეცნიერო-კვლევითი მიდგომებისა და თეორიების ჩამოყალიბება/განვითარების ძირითად ეტაპებს, თავისებურებასა და დინამიკას; • განსაზღვრავს და აფიქსირებს ისტორიის არაერთგვაროვანი გადმოცემის მიდგომებს, ისტორიის ფალსიფიკაციისა და იდეოლოგიური გავლენის ფაქტებს. • აანალიზებს გლობალიზაციას, როგორც ისტორიულ მოვლენას და ხსნის მის თანმდევ პოლიტიკურ, ეკონომიკურ თუ სოციალური ასპექტებს, გამოწვევებსა და დადებით მხარეებს; შედარებითი ანალიზის საფუძველზე, მსოფლიოში მიმდინარე გლობალურ პროცესებში განსაზღვრავს საქართველოს ადგილსა და როლს; • განიხილავს და აანალიზებს ახალ და უახლეს პერიოდში აღმოსავლეთსა და დასავლეთს შორის არსებულ ურთიერთობებს და პრობლემებს ისტორიულ კონტექსტში; მსჯელობს ქრისტიანულ და ისლამურ სამყაროს შორის განსხვავებებსა და მსგავსებებზე; აღწერს აღმოსავლეთსა და დასავლეთს შორის დაპირისპირების ისტორიულ საფუძვლებს და თანამედროვე პრობლემებს; მსჯელობს მუსლიმთა მიგრაციაზე ევროპაში, კულტურულ ასიმილაციასა და პოლიტიკური ინტეგრაციაზე და გამოაქვს სათანადო დასკვნები; აყალიბებს სამეცნიერო პოზიციებს განსხვავებულ რელიგიათა თანაარსებობისა და დიალოგის შესაძლებლობაზე. გარდა ამისა, მოდულების მიხედვით პროგრამის კურსდამთავრებულს გააჩნია შემდეგი კომპეტენციები: I მოდული – ევროპისა და ამერიკის ქვეყნების ახალი და უახლესი ისტორია: ღრმად, სისტემურად და კომპლექსურად მიმოიხილავს საფრანგეთის, დიდი ბრიტანეთის, ესპანეთის, გერმანიის, იტალიის, სსრ კავშირისა და აშშ-ს ისტორიის ცალკეული მნიშვნელოვანი ეტაპების კვლევის ისტორიას; განიხილავს და აანალიზებს სხვადასხვა ისტორიულ პერიოდში ამა თუ იმ სახელმწიფოს დაწინაურების მიზეზებსა და შედეგებს. II მოდული – ახლო აღმოსავლეთის ისტორია (ახალი და უახლესი პერიოდი):



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	ღრმად და სისტემურად მსჯელობს ახლო აღმოსავლეთის რეგიონის ახალი და უახლესი ისტორიის ცალკეულ მნიშვნელოვან ეტაპებზე და მათი კვლევის თავისებურებებზე, განიხილავს და აანალიზებს ახლო აღმოსავლეთის ქვეყნების ახალი და უახლესი პერიოდის პოლიტიკური, ეკონომიკური, სოციალური და კულტურული ისტორიის საკვანძო პრობლემებს და მათი კვლევის თავისებურებებს, ახასიათებს სამშვიდობო პროცესებს ახლო აღმოსავლეთში და განსაზღვრავს დასავლეთევროპული და ამერიკული დიპლომატიის როლს კონფლიქტების დარეგულირებაში; მიმოიხილავს კვლევებს პრინციპულ განსხვავებაზე ისლამს როგორც რელიგიურ სისტემასა და ისლამიზმს, როგორც პოლიტიკურ იდეოლოგიას შორის, განსაზღვრავს ისლამის, როგორც პოლიტიკური ბრძოლის იარაღის როლს და განიხილავს თანამედროვე ისლამური სამყაროს პოლიტიკურ-საზოგადოებრივ ცხოვრებაში ისლამური ფაქტორის გაძლიერების მიზეზებსა და შედეგებს სამეცნიერო ლიტერატურაზე დაყრდნობით, აანალიზებს რადიკალური ისლამისტური ორგანიზაციების იდეოლოგიურ საფუძვლებს, სტრატეგიასა და ტაქტიკას მათი მოქმედების კონკრეტული რეგიონის სოციალ-ეკონომიკურ თავისებურებათა გათვალისწინებით, აანალიზებს ქრისტიანული საქართველოს ისლამურ სამყაროსთან მრავალსაუკუნოვანი ურთიერთობის თავისებურებებს და კრიტიკულად განიხილავს ქართულ და აღმოსავლურ წყაროებს საქართველოსა და ისლამური სამყაროს ურთიერთობების შესწავლისას; III მოდული – შორეული აღმოსავლეთის ისტორია (ახალი და უახლესი პერიოდი): ღრმად და სისტემურად მსჯელობს ახალი და უახლეს პერიოდში შორეული აღმოსავლეთის რეგიონის ცალკეული მნიშვნელოვანი ეტაპებისა და სოციალურ, ეკონომიკურ თუ კულტურულ ისტორიას, აცნობიერებს და კრიტიკულად აფასებს რბილი ძალის დადებით და უარყოფით მხარეებს შორეული აღმოსავლეთის რეგიონში. ახდენს ბუდიზმის ძირითადი არსის, მისი დოგმების და მიმდინარეობების ინტერპრეტაციას და შედარებით ანალიზს; IV მოდული – საერთაშორისო ურთიერთობების ისტორია ახალ და უახლეს პერიოდში: ღრმად და სისტემურად მსჯელობს XIX-XX საუკუნეების დიპლომატიური ურთიერთობების ისტორიის საკვანძო საკითხებზე, ასევე კათოლიკური ეკლესიის მესვეურთა მიერ ახალ და უახლეს პერიოდში გატარებული პოლიტიკაზე; განიხილავს და აანალიზებს XIX საუკუნის ევროპული ურთიერთობების, აგრეთვე მსოფლიო ომებსშორისი პერიოდისა და „ცივი ომის“ ხანის ძირითად მოვლენებს.
ბ) უნარები	საარქივო/საბიბლიოთეკო რესურსებისა და ელექტრონული სამეცნიერო ბაზების გამოყენებით დამოუკიდებლად მოიძიებს სხვადასხვა ისტორიულ (მათ შორის, ნაკლებადშესწავლილ/ახლადამოჩენილ) წყაროებში მოცემულ ინფორმაციას, კრიტიკულად აფასებს, ახდენს მათ სისტემატიზაციას, განსაზღვრავს ამა თუ იმ მოვლენების განვითარების ძირითად ფაქტორებს, აანალიზებს მათ და აყალიბებს საკუთარ დასკვნებს;



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	• გეგმავს და ახორციელებს კვლევას შესაბამისი ისტორიული მეთოდებისა და დადგენილი აკადემიური სტანდარტების გამოყენებით; • წარმოადგენს კვლევის შედეგებს წერილობითი და ზეპირი ფორმით როგორც პროფესიული, ისე ფართო საზოგადოების წინაშე; • პროფესიული საქმიანობის დროს ახდენს მშობლიურ და უცხოურ ენებზე კომუნიკაციას საინფორმაციო ტექნოლოგიების გამოყენებით.
გ) პასუხისმგებლობა და ავტონომიურობა	• პატივს სცემს ცალკეულ ისტორიულ ეპოქაში სხვადასხვა ქვეყნებისა და ერების განსხვავებულ ღირებულებებს, იდეებს, შეხედულებებსა და კულტურას, როგორც მსოფლიო ფასეულობათა ნაწილს; იცავს ეთიკურ ნორმებს; ისტორიული მოვლენების შეფასებისას და სენსიტიური თუ წინააღმდეგობრივი საკითხების განხილვისას ეყრდნობა სამართლიანობის, ტოლერანტობის, პლურალიზმისა და ობიექტურობის პრინციპებს; • გუნდური მუშაობის პრინციპების დაცვით, ახდენს ადაპტირებას მულტიდისციპლინურ სასწავლო თუ სამუშაო გარემოში, ავითარებს საკუთარ შესაძლებლობებს, იღებს დამოუკიდებელ გადაწყვეტილებებსა და მათზე პასუხისმგებლობას; • სფეროსათვის აქტუალური ინფორმაციის სინთეზირებითა და აკადემიური ეთიკის ნორმების დაცვით, ქმნის სამეცნიერო ნაშრომს და შეაქვს წვლილი დარგში არსებული ცოდნის განვითარებაში.
სწავლება-სწავლის მეთოდები	სწავლის შედეგების მისაღწევად ახალი და უახლესი ისტორიის სამაგისტრო პროგრამა ლექციის, სემინარის, სამუშაო ჯგუფის, პრაქტიკული მეცადინეობის, შუალედური შეფასების, პრეზენტაციის, რეფერატის, დასკვნითი გამოცდის, სამაგისტრო ნაშრომის და სხვ. ფორმატში იყენებს სხვადასხვა მეთოდს და აქტივობას: • ვერბალური, ანუ ზეპირსიტყვიერი მეთოდი; • პრაქტიკული მეთოდი; • წიგნზე მუშაობის მეთოდი; • წერიტი მუშაობის მეთოდი; • ელექტრონული სწავლება; • დემონსტრირება; • ევრისტიკული მეთოდი; • დისკუსია/დებატები; • ჯგუფური მუშაობა; • ინდუქციური და დედუქციური მეთოდები; • ანალიზი და სინთეზი; • გუნდური მუშაობა; • დამოუკიდებელი კვლევითი მუშაობა (მეორე ნაწილის მეთოდი); • და სხვა. გამოყენებული მეთოდები სრულად შეესაბამება უმაღლესი სწავლების II საფეხურის დონეს, კურსების შინაარსს და სწავლის შედეგებს.
შეფასების სისტემა	თბილისის სახელმწიფო უნივერსიტეტში მოქმედებს შემდეგი სახის შეფასების სისტემა: ა) ხუთი სახის დადებითი შეფასება: • ფრიადი – შეფასების 91-100 ქულა; • ძალიან კარგი – მაქსიმალური შეფასების 81-90 ქულა;



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	• კარგი – მაქსიმალური შეფასების 71-80 ქულა; • დამაკმაყოფილებელი – მაქსიმალური შეფასების 61-70 ქულა; • საკმარისი – მაქსიმალური შეფასების 51-60 ქულა. ბ) ორი სახის უარყოფითი შეფასება: (A) (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება; (B) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი. FX-ის მიღების შემთხვევაში დამატებითი გამოცდა ინიშნება დასკვნითი გამოცდის შედეგების გამოცხადებიდან არანაკლებ 5 დღეში. დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება სასწავლო კურსის საბოლოო შეფასებაში. დამატებით გამოცდაზე მიღებული შეფასების გათვალისწინებით საგანმანათლებლო კომპონენტის საბოლოო შეფასებაში 0-50 ქულის მიღების შემთხვევაში, ფორმდება F – 0 ქულა. მინიმალურ შეფასებას წარმოადგენს 51 ქულა. ერთი და იმავე სავალდებულო საგანში სამჯერ F შეფასების მიღება წარმოადგენს სტუდენტის სტატუსის შეწყვეტის საფუძველს. ამ შემთხვევაში სტუდენტს უფლება აქვს ისარგებლოს მობილობით. გამოცდაზე დაშვების წინაპირობა: სტუდენტს სემესტრის განმავლობაში დაგროვილი უნდა ჰქონდეს <u>არანაკლებ 21 ქულა</u>. გამოცდა ჩაბარებულად ითვლება, თუ სტუდენტი აგროვებს დასკვნითი გამოცდის 50%. კვლევითი კომპონენტი (სამაგისტრო ნაშრომი) ფასდება საჯარო დაცვაზე, სადაც მაგისტრანტი დაიშვება ნაშრომის წინასწარი დაცვის წარმატებით გავლის, სამეცნიერო ხელმძღვანელის სათანადო დასკვნისა და სამაგისტრო ნაშრომის Turnitin ელექტრონულ პროგრამაზე პლაგიატის პრევენციის მიზნით გატარების შემდეგ. სამაგისტრო ნაშრომის შეფასების მნიშვნელოვანი ნაწილია დარგის სპეციალისტის რეცენზია (მაქს. 60 ქულიდან მინიმუმ 31 ქულის მიღების გარეშე საჯარო დაცვაზე მაგისტრანტი პრეზენტაციით ვერ წარსდგება) და მაგისტრანტის მიერ კვლევის შედეგების ზეპირი პრეზენტაცია დაცვის კომისიის წინაშე (მაქს. 40 ქულიდან მინიმუმ 20 ქულის მიღება აუცილებელია). სამაგისტრო ნაშრომის საბოლოო შეფასება წარმოადგენს რეცენზენტის მიერ დაწერილი ქულისა და სამაგისტრო ნაშრომების დაცვის კომისიის შეფასების ჯამს. სამაგისტრო ნაშრომი დაცულად ჩაითვლება და მაგისტრანტს შესაბამისი კრედიტი მიენიჭება, თუ მის მიერ მიღებული საბოლოო შეფასება 51 ან მეტი ქულის ტოლია. სამაგისტრო ნაშრომის არადამაკმაყოფილებლად (F/FX) შეფასების შემთხვევაში,
--	--



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	მისი დაცვაზე წარდგენა იმავე სემესტრში დაუშვებელია.
დასაქმების სფეროები	თსუ ჰუმანიტარულ მეცნიერებათა ფაკულტეტის ახალი და უახლესი ისტორიის სამაგისტრო პროგრამის კურსდამთავრებულს შეუძლია დასაქმდეს ზოგადსაგანმანათლებლო (საქართველოს კანონმდებლობით განსაზღვრული დამატებითი მოთხოვნების შესრულების შემთხვევაში), პროფესიულ და უმაღლეს საგანმანათლებლო დაწესებულებებში, საჯარო სამსახურში, მუზეუმში, ბიბლიოთეკაში, ტურიზმისა და ჟურნალისტიკის სფეროში, (მათ შორის, სამთავრობო უწყებებში, საელჩოებში და ა.შ.) და საერთაშორისო სტრუქტურებში, არასამთავრობო ორგანიზაციებში, კერძო სექტორში და ა.შ. გარდა ამისა, პროგრამის მეორე ნაწილის კურსდამთავრებულს – ისტორიის კვლევის მაგისტრს შეუძლია სამეცნიერო-კვლევით დაწესებულებებში მუშაობა კვალიფიკაციის შესაბამის პოზიციაზე და/ან სწავლის გაგრძელება სწავლების შემდგომ საფეხურზე – დოქტორანტურაში.
სწავლის საფასური საქართველოს მოქალაქე და უცხო ქვეყნის მოქალაქე სტუდენტებისათვის	საქართველოს მოქალაქის სწავლას სრულად აფინანსებს სახელმწიფო; სხვა პირის სწავლის სახელმწიფოს მიერ დაფინანსების წესსა და პირობებს ადგენს საქართველოში მოქმედი კანონმდებლობა.
პროგრამის განხორციელებისათვის საჭირო ადამიანური და მატერიალური რესურსი	ახალი და უახლესი ისტორიის სამაგისტრო პროგრამის განხორციელებაში მონაწილეობას იღებენ: უნივერსიტეტის აკადემიური პერსონალი (პროფესორები, ასოცირებული პროფესორები და ასისტენტ-პროფესორები), შესაბამისი კვალიფიკაციის მქონე მოწვეული ლექტორები და მკვლევრები: თსუ პროფესორი თეიმურაზ პაპასქირი; თსუ პროფესორი ნანი გელოვანი; თსუ ასოცირებული პროფესორი მერაბკალანდაძე; თსუ ასოცირებული პროფესორი ლეილა (ია) ხუბაშვილი; თსუ ასოცირებული პროფესორი ფატიმა შეყლაშვილი; თსუ ასოცირებული პროფესორი ნანა გელაშვილი; თსუ ასოცირებული პროფესორი მირიან მახარაძე; თსუ ასისტენტ პროფესორი ზაალ გოგენია; თსუ ასისტენტ პროფესორი მიხეილ ქართველიშვილი; თსუ მოწვეული ლექტორი, ისტ. დოქტ.თამარ ანთაძე; თსუ მოწვეული ლექტორი, ისტ. დოქტ. კახაბერ ყალიჩავა; თსუ მოწვეული ლექტორი, სოც. მეცნ.დოქტ. სოფიო გუგუნივა; თსუ მოწვეული ლექტორი, სამართლის დოქტ. ვეფხვია გვარამია; თსუ მოწვეული ლექტორი თათია მემარნიშვილი; თსუ მოწვეული ლექტორი დავით ანდლულაძე. ყველა სავალდებულო სასწავლო კურსს უძღვება დარგის მაღალკვალიფიციური სპეციალისტი, მრავალი სამეცნიერო პუბლიკაციის თუ სახელმძღვანელოს ავტორი. ახალი და უახლესი ისტორიის სამაგისტრო გათვალისწინებული კურსების სწავლება ხორციელდება თსუ I კორპუსში (ი. ჭავჭავაძის გამზ. №1), V კორპუსში (ი. ჭავჭავაძის გამზ. №36) და VIII კორპუსში (ი. ჭავჭავაძის გამზ. №13). აუდიტორიები



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	აღჭურვილია შესაბამისი ინვენტარით, მათ შორის, პროექტორებითა და მიკროფონებით. რაც შეეხება ახალი და უახლესი ისტორიის სამაგისტრო პროგრამის მატერიალურ-ტექნიკურ ბაზას, ის მდებარეობს თსუ ჰუმანიტარულ მეცნიერებათა ფაკულტეტის მსოფლიო ისტორიის სასწავლო-სამეცნიერო ინსტიტუტის ახალი და უახლესი ისტორიის კათედრაზე (თსუ მერვე კორპუსი, აუდ. 114 და 114ა). აღნიშნული ინსტიტუტი აღჭურვილია პროგრამის განხორციელებისათვის აუცილებელი მატერიალურ-ტექნიკური რესურსით, რაც უზრუნველყოფს პროგრამით გათვალისწინებული მეთოდების, უახლესი სახელმძღვანელოების გამოყენებით სწავლებას და, შესაბამისად, სწავლის შედეგების მიღწევას. ახალი და უახლესი ისტორიის სამაგისტრო პროგრამის სტუდენტთათვის ხელმისაწვდომია როგორც თსუ ცენტრალური, ისე ჰუმანიტარულ მეცნიერებათა ფაკულტეტის ბიბლიოთეკები; ასევე მსოფლიო ისტორიის სასწავლო-სამეცნიერო ინსტიტუტისა და უახლესი ისტორიის კათედრის ელექტრონული წიგნადი ფონდი; უნივერსიტეტისა და ფაკულტეტის კომპიუტერული რესურს-ცენტრები. უნივერსიტეტს გამოწერილი აქვს მრავალი ელექტრონული რესურსი, რომლებითაც სარგებლობა შესაძლებელია როგორც თსუ-ს კომპიუტერებიდან, ისე თსუ-ს გარედან, საუნივერსიტეტო ელფოსტის გამოყენებით. თსუ-ს სტუდენტებს და პროფესორ-მასწავლებლებს შეუზღუდავი და ულიმიტო წვდომა აქვთ ისეთ ელექტრონულ ბაზებსა და ჟურნალებზე, როგორებიცაა: EBSCO Publishing, CambridgeUniversityJournals, JStor, Scopus და სხვა. https://www.tsu.ge/ka/library/page/893. ადამიანური და მატერიალური რესურსიდან გამომდინარე, პროგრამაზე შესაძლებელია 15-20 სტუდენტის მიღება.
პროგრამის ფინანსური უზრუნველყოფა	პროგრამის ფინანსური უზრუნველყოფა ხდება თსუ-ს ჰუმანიტარულ მეცნიერებათა ფაკულტეტის ბიუჯეტიდან, რომელიც უნივერსიტეტის ბიუჯეტის შემადგენელ ნაწილს წარმოადგენს. საფაკულტეტო ბიუჯეტი უზრუნველყოფს პროგრამის განხორციელებაში ჩართული აკადემიური პერსონალისა და მოწვეული ლექტორების შრომის ანაზღაურებას, პროგრამის მატერიალურ-ტექნიკური ბაზის მოვლასა და სრულყოფას, პროგრამის ფარგლებში დაგეგმილი სამეცნიერო და საგანმანათლებლო ღონისძიებების, თემატური ვორკშოპების, სეზონური სკოლების, სხვა სახის სამუშაოების (ექსპედიციები, მივლინებები და სხვ.) ჩატარებას.
დამატებითი ინფორმაცია (საჭიროების შემთხვევაში)	ახალი და უახლესი ისტორიის სამაგისტრო პროგრამას ემსახურება მაღალკვალიფიციური აკადემიური პერსონალი, რომელსაც გააჩნია ფართო საერთაშორისო კავშირები. პროფესორები სისტემატურად იღებენ მონაწილეობას საერთაშორისო კონფერენციებსა და ერაზმუს+-ის გაცვლით პროგრამებში. ამ უკანასკნელის ფარგლებში წაკითხულია ლექციების მოკლე კურსები დუბლინის უნივერსიტეტში, ტუმას უნივერსიტეტში და ა.შ. მათ გააჩნიათ მრავალი პუბლიკაცია უცხოურ ჟურნალებში. არსებობს მჭიდრო თანამშრომლობა მთელ რიგ უცხოურ უნივერსიტეტებთან თუ კვლევით ცენტრებთან. ყოველივე ეს უზრუნველყოფს სწავლების მაღალ სტანდარტს.